

og Fiskarlagets Servicekontor AS, avd. Vest

Bergen, 13.07.15

Vår ref: 765 / 15/BSI/5.7.12

Dykkar ref.: 15/7907

Fiskeridirektoratet region vest
Postboks 185, Sentrum
5804 Bergen

Att: Margareth Olin Leivdal

e-mail

LINDÅS, OSPENESET – SØKNAD OM ENDRING AV ANLEGG.

Viser til dykkar brev av 11.06.15, med vedlegg vedkomande ovannemnde sak.

Generelle merknader

Fiskarlaget Vest registrerer at ein får mange søknader om endra lokalitetar, auka biomasse (MTB) på eksisterande lokalitetar, samt søknad om nye lokalitetar, med m.a. bakgrunn i innføringa av Hardangerfjordforskrifta og inndeling i PD-/ lusesoner.

Fiskarlaget Vest meiner at det ikkje må førast ein bit for bit politikk frå styresmaktene, men at ein må vurdere kva eit **større** område toler av oppdrett i tillegg til anna utslepp til sjø. Oppdrettsnæringa må i utgangspunktet velje gode lokalitetar, som ikkje er i konflikt med fiskerinæringa, slik at det ikkje blir slik at ein forureinar eit området for deretter å søkje om ny plass.

Fiskarlaget Vest meiner òg at styresmaktene må **definere** kva som er **akseptabel negativ påverknad** frå oppdrettsnæringa på anna næring, her villfisk. men ikkje berre vill laksefisk. Fiskarlaget Vest vil minne om seiproblematikken, spesielt i høve til garnfiske.

Ein kan ikkje godta at styresmaktene seier at ein har ei berekraftig oppdrettsnæring om ein får kontroll på rømming og luseproblematikken.

Det er òg andre tilhøve som må takast med i ei slik vurdering. Deriblant m.a. bruken av kjemiske avlusingsmiddel. jf. rapport frå Havforskningsinstituttet om saka i januar 2013.

IRIS i Stavanger har òg gjort nokon forsøk i høve bruk av einskilde avlusingsmiddel i høve reke, jf. link: <http://www.nrk.no/nordland/bekymret-for-legemidler-i-oppdrett-1.11931728>. I høve miljø må ein òg ta med at mærdane no blir spylt reine på lokaliteten, og den forureininga det utgjør.





Fiskarlaget Vest meiner at det må kome fram på kommuneplankarta kva område som verkeleg blir beslaglagt for anna bruk/næring av eit oppdrettsanlegg, ikkje kun sjølve anlegget.

Oppdrettsnæringa må kontinuerleg arbeide for at ankersystema blir kortast mogeleg innanfor krava som er stilt, for å redusere område som blir bandlagt for anna bruk/næring.

Det er viktig at oppdrettslokalitetar/fortøyningar/fester under vatn som ikkje er i bruk lenger blir rydda skikkeleg.

Lokaliteten Ospeneset

Ifølgje Fiskeridirektoratet sin kartdatabase er det registrert kaste-/låssettingsplass nordevest for anlegget, jf. vedlagde kart.

Ein forutset at søkjar legg fortøyningane slik at dei ikkje kjem i konflikt med registrerte fiskeriinteresser både i Lindås og Masfjorden kommune, og at kaste-/låssettingsplassen i området kan nyttast, jf. vedlagde kart.


Elles visar ein til dei generelle merknadene, spesielt når det gjeld fortøyning/rydding.

Med helsing
Fiskarlaget Vest

Britt S. Ingebø
Britt Sæle Ingebø

Kopi pr. mail: Nordhordland Fiskarlag
Hordaland Fylkeskommune

Lindås, Ospeneset



Målestokk: 1:21 872

